



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XI. Hoe de ghevanghenen ten Briel inden kercker zijn ghecomen,
ende wat gheselschap sy daer noch gheereghen hebben.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

ghelijck datter van alle canten ouer-quam: noch-
tans wierdt sijn herte al te seer gewondt als met een
grootte quetsure / deur dese grootte onbeleefthepdt
van sijne schaepkens / die al-soo goedts moedts lie-
pen naer de verdoemenisse.

CAPITTEL X I.

Hoe de ghevanghenen ten Briel inden kercker
zijn ghecomen, ende wat gheselschap sy daer
noch ghecreghen hebben.

Voort-aen als de Martelaers nu langh ende
ghenoegh hadden gestaen onder de galghe in t
nudden vande merckt ten luste ende spot van de rae-
sende ghemeynte / al-soo dat hen deur de vermoeyt-
hepdt het sweedt bouen maten af-liep / soo wierden
sy ten lesten in eenen leelijcken stinckenden kercker
ghelepdt / daer-men de boose mis-dadighe menschen
in plagh te stellen. Al-waer sy ghesloten ghebon-
den hebben twee ander Pastoors / die on-langhs
te beuren van hunne plaetsen daer sy de schaepkens
Christi hoedden niet gheweldt waren ghevanghen
ghenomen ende binnen den Briel ghebraght / den
eenen ghenoemt H. Andries van Vernoert / den an-
deren H. Adriaen van Mael-dam / welke zijn twee
dorpen ghelegghen niet verre van Doordrecht. Maer
rochts daer naer omtrent een half ure tijds wierden
inden seluen kercker gestooten noch twee andere die
vande Geusen versch waren ghevanghen op hunne
Pastoorje ende derwaerts ghebraght. Dese wa-
ren Keligieusen vande Orden van Premonstrept /
waer van de eene oock ghenoemt was H. Adriaen /
die Pastoor was ter plaetsen daer de Mase inde zee
loopt aende rechte sijde / welke plaetse ghemeyne-
lijck ghenoemt wort Munster. De andere H. Ja-
cob /

rob / die sijne onder-pastoor was / beyde derwaerts
ghesonden upt de seer vermaerde Abdije van Mid-
del-burgh in Zee-landt / wien toe-stondt de selue
plaetse te versien van Pastoors. De ghevanghenisse
van dese was al-dus te werke ghegaen: Al-soo de
Geulche zee-roouers hebbende den Bziel in-gheno-
men allen de om-ligghende plaetsen af-liepen / be-
sigh met roouen / ende kercken en cloosters te plun-
deren / wat Pziesters oft Geligieusen dat sy moght-
ten becomen oft vermoordede oft met hen ghevan-
ghen bzingende / soo zijn sommige van hen s'nachts
te veuren eer dat de ghevanghenen van Gorcom
aen-comen waren te schepe ouer-gheset ende tot
Munster ghecomen / al-waer vindende dese twee
Geligieuse Pziesters in hun gheestelijck habijt / dat
is heel wit ghecleedt / hebben-se met den vader van
D. Jacob een oudt man wesende ghevanghen ende
ghebonden ten Bziel aen-ghebraght. De welke
soo sy eerst veur den Graue wierden ghebraght /
heeft hy in alle sijn lichaem groote ongheschickt-
hepdt ende on-ghesteltenisse des herten ghetoont.
Daer naer sy-seluen bedwinghende stondt hy stille /
ende ghelijck verwondert zijnde / als oft hy niet
gheweten en hadde dat het menschen waren /
vraeghde aen sijn volck / wat dat dit veur monsters
waren. De welke gheandtwoordt hebben: Dit
zijn / ghenadighste heer / papen en monicken / onse
hoofd-vpanden. Seer bequamelijck moghte hy
alder-ghenadighste gheheeten worden / als het bladt
om-ghekeert is. Daer naer heeft de Graue gge-
vraeght aen den ouden man die mede ghebraght
was / wie ende van waer dat hy was: ende ver-
staende dat hy de vader was vanden ionghsten Ge-
ligieus / upt Vlaenderen ghebozen: ende de Fran-
choische tale wel conste / kcerende sijn redene tot hem

heeft hy gheleghyt: Ist dat ghy uwen sone cont wijs ghemaecten / dat hy sijn Dayerije verlaecke / ick sal v met hem los ende vry laten gaen. Dit hoorende H. Jacob die oock wel Franchois conste / heeft veur sijnen vader gheandtwoorzd segghende / dat hy nemmermeer op al-sulcken conditie sijn leuen en soude begheren te salueren. Soo moet ghy dan steruen / seght de Graue. H. Jacob andtwoorzdde: Gheen-sins: want wy sullen niet steruen / maer sullen leuen. De Graue seyde weder-om: En heb ick de maght niet om v te dooden? Iae ghy / seyde H. Jacob / om het lichaem te dooden / maer niet de siele die al-tijdt leuen sal. Veur dese vry-moedighe andtwoorde Lumme gheterghyt zijnde / heeft den ouden man doen wegh gaen / midts dat hy noch Priester noch Religieus en was / ende de twee Religieusen heeft hy naer den kercker doen leyden. Geconen zijnde dan inden kercker daer de andere belijders des Catholijcks gheloofs in waren / hebben sy wel ghewaer gheworden dat sy met hen gheroepen wierden van Gode tot eenen ghemeynen strijdt ende een ghemeyne croone der glozen.

CAPITTEL XII.

Vande ghesteltenisse des kerckers, ende hoe de ghevanghenen op't Stadt-huys van hünghelouue onder-vraeght wierden.

DAer waren in dit een ghevanghen-huys drij kerckers de eene bouen den anderen gemaeckt / onder welke dese daer de Martelaers in ghesloten waren was de onderste / ende ouer-sulcks de leelijckste ende de onsupuerste. Want alle de vuylighydt die d'ander ghevanghenen bouen sittende deur den noot der naturen quijt wierden / drope gestadelijck van